

დანართი #
დამტკიცებულია
აფხაზეთის ავტონომიური რესპუბლიკის
განათლებისა და კულტურის მინისტრის
2019 წლის ---- მარტის
----- ბრძანებით



აფხაზეთის მეცნიერთა მხარდაჭერის

პროგრამა

(პროგრამული კოდი: 06 05)

ქ. თბილისი, 2019 წელი

1. პროგრამის მიზნები და ამოცანები:

პროგრამის მიზანია აფხაზეთიდან დევნილი მეცნიერების მხარდაჭერა და მათი სამეცნიერო კვლევებში ჩართულობის ხელშეწყობა. პროგრამის ფარგლებში შესაძლებელია დაფინანსდეს:

ა) სამეცნიერო ლიტერატურის/კვლევის გამოცემა;

ბ) მოკლევადიანი სამგზავრო ხარჯები მეცნიერებისთვის, ბაკალავრიატის, მაგისტრატურის, დოქტორანტურის სტუდენტებისთვის;

გ) გამონაკლისის სახით, შეიძლება დაფინანსდეს სხვა მეცნიერიც, რომელიც არაა აფხაზეთიდან, მაგრამ მისი კვლევის თემა აქტუალურია და დაკავშირებულია საქართველოს ამ კუთხესთან;

დ) უპირატესობა მიენიჭება თანადაფინანსებით წარმოდგენილ პროექტებს.

არ დაფინანსდება ზედიზედ 2 წლის მანძილზე სამეცნიერო ნაშრომის დაბეჭდვის თაობაზე ერთი და იგივე ავტორის მიერ შემოტანილი განაცხადი.

2. პროგრამის დასაბუთება:

1993 წლის 27 სექტემბრის შემდეგ, როცა აფხაზი სეპარატისტებისა და რუსეთის ხელისუფლების ძალისხმევით 300 000-ზე მეტი აფხაზეთის მკვიდრი იძულებული შეიქნა მიეტოვებინა საკუთარი სახლ-კარი, მრავალი მეცნიერი აღმოჩნდა მოწყვეტილი მშობლიურ საგანმანათლებლო, თუ სამეცნიერო-კვლევით დაწესებულებას. საქართველოს სხვადასხვა ქალაქში, მათი ძალისხმევის შედეგად, მოხერხდა აღდგენილიყო ჩვენი ქვეყნის წამყვანი უმაღლესი საგანმანათლებლო დაწესებულებები: სოხუმის სახელმწიფო უნივერსიტეტი(სადაც ფუნქციონირებს აფხაზური ენისა და ლიტერატურის ინსტიტუტი), საქართველოს სუბტროპიკული მეურნეობის სახელმწიფო უნივერსიტეტი, რომელიც 2010 წელს შეუერთდა ა. წერეთლის სახელმწიფო უნივერსიტეტს, სოხუმის ფიზიკა-ტექნიკის სამეცნიერო-კვლევითი ინსტიტუტი და სხვა. თბილისში დაარსდა ა(ა)იპ „აფხაზეთის მეცნიერებათა ეროვნული აკადემია“, ცხუმ-აფხაზეთის მეცნიერებათა აკადემია ამ დაწესებულებებში მიმდინარეობს საფუძვლიანი კვლევები აფხაზურ ენასა და ლიტერატურაში, ქართველოლოგიაში, აფხაზეთის ისტორიაში, ქართულ-აფხაზურ ლიტერატურულ ურთიერთობებში, არქეოლოგიაში, ეკონომიკაში, ზუსტ და საბუნებისმეტყველო მეცნიერებებში. მნიშვნელოვანია ამ კვლევების შედეგების წარმოჩენა საზოგადოების წინაშე, როგორც საქართველოში, ასევე მის ფარგლებს გარეთ. ხშირ შემთხვევაში, დევნილი მეცნიერები, მწირი ფინანსური შესაძლებლობის გამო, ვერ ახერხებენ კვლევითი სამუშაოების ჩატარებას ან მიღებული შედეგების გამოქვეყნებას.

აღნიშნული პროგრამა ხელს შეუწყობს აფხაზეთიდან დევნილ მეცნიერთა მდიდარი ინტელექტუალური პოტენციალის გაღრმავებას და აფხაზეთის თემატიკის სამეცნიერო - აკადემიურ წრეებში კიდევ უფრო წარმოჩენას.

3. პროგრამის განხორციელება და მონიტორინგი:

1) პროგრამის ფარგლებში დაფინანსდება საგანმანათლებლო-სამეცნიერო სფეროში მოღვაწე იურიდიული პირების და მათი რეკომენდაციით იმ ფიზიკური პირების მიერ აფხაზეთის ავტონომიური რესპუბლიკის განათლებისა და კულტურის სამინისტროში (შემდგომში - სამინისტრო) წარმოდგენილი ის პროექტები, რომელნიც ითვალისწინებენ ავტორთა გუნდის მიერ მომზადებული შრომების კრებულების გამოცემას, დოქტორანტების, მაგისტრანტების, მაგისტრანტების, დოქტორის აკადემიური ხარისხის, აკადემიური და სამეცნიერო თანამდებობის მქონე პირების მეცნიერული კვლევების გამოქვეყნებას, ასევე ქვეყნის ფარგლებს გარეთ მათ მეცნიერულ საქმიანობასთან, ბაკალავრიატის, მაგისტრატურის,

დოქტორანტურის სტუდენტების უცხოეთში სწავლასთან დაკავშირებული სამგზავრო ხარჯების დაფინანსებას.

იმ პროექტების განაცხადების შემოტანა, რომლებიც ეხება პროგრამის პირობებითა და თემატიკით გათვალისწინებული სამეცნიერო კვლევების დაფინანსებას, მოხდება შემდეგი ვადების მიხედვით:

ა) პროგრამის გამოცხადებიდან 2019 წლის 10 ნოემბრამდე;

ბ) რაც შეეხება მეცნიერებისათვის, ბაკალავრიატის მაგისტრატურის, დოქტორანტურის სტუდენტებისთვის სამგზავრო ხარჯებს, მათი დაფინანსება ასევე განხორციელდება პროგრამის გამოცხადებიდან 2019 წლის 30 ნოემბრამდე.

საგანმანათლებლო-სამეცნიერო სფეროში მოღვაწე დაწესებულებების რეკომენდაციით ფიზიკური პირების მიერ შემოტანილ იმ პროექტებზე, რომელნიც დაფინანსდება კომისიის გადაწყვეტილებით და ითვალისწინებენ კვლევების დაბეჭდვას, ასევე ქვეყნის ფარგლებს გარეთ სამეცნიერო საქმიანობასთან ბაკალავრიატის, მაგისტრატურისა და დოქტორანტურის საფეხურებზე სტუდენტების სწავლასთან დაკავშირებული სამგზავრო ხარჯების დაფინანსებას, სამინისტროს მიერ გამოყოფილი თანხა გადაირიცხება უშუალოდ მათი წარმომდგენი იურიდიული პირების ანგარიშებზე, რომელნიც ანგარიშვალდებულნი იქნებიან სამინისტროს წინაშე გამოყოფილი თანხების მიზნობრივად გახარჯვის დამადასტურებელი ფინანსური დოკუმენტაციით.

პროექტების ავტორებმა, პროგრამის ფარგლებში დაფინანსების მიზნით, უნდა წარმოადგინონ:

1. განცხადება მინისტრის სახელზე;
2. სარეკომენდაციო წერილი წარმომდგენი დაწესებულებიდან;
3. განსახილველი პროექტის თაობაზე შევსებული განაცხადის/ანკეტის ფორმა;
4. არანაკლებ ორი რეცენზია გამოსაცემ ნაშრომზე;
5. გამოსაცემი ნაშრომის ელექტრონული ვერსია;
6. პროექტის წარმომდგენი რეკომენდირებული პირის ავტობიოგრაფია (cv);
7. პირადობის და დევნილის მოწმობის ასლები;
8. ინვოისები არანაკლებ ორი გამომცემლობიდან;

9. ქვეყნის ფარგლებს გარეთ სამეცნიერო საქმიანობასთან, კონფერენციებთან, ბაკალავრიატის, მაგისტრატურის, დოქტორანტურის საფეხურებზე სწავლასთან დაკავშირებული სამგზავრო ხარჯების დაფინანსებისას წარმოდგენილი უნდა იყოს ასევე მიწვევის, სწავლის დამადასტურებელი დოკუმენტის ნოტარიულად დამოწმებული თარგმანი.

10. უცხო ქვეყანაში შესვლის ნებართვა, ანუ ვიზა.

2) სამინისტროში შექმნილი კომისია განიხილავს მეცნიერთა მხარდაჭერის პროგრამის ფარგლებში წარმოდგენილ პროექტებს. კომისიის შემადგენლობაში შედიან:

1. **როლანდ ნიჟარაძე** - მინისტრის პირველი მოადგილე, ისტორიის მეცნიერებათა დოქტორი - კომისიის თავმჯდომარე;

2. **ბესიკ ოდიშარია** - მინისტრის მოადგილე, ჰუმანიტარულ მეცნიერებათა მაგისტრი ისტორიის სპეციალობით, დოქტორანტი, პროგრამის კოორდინატორი - თავმჯდომარის მოადგილე;

3. **ირაკლი კალანდია** - იურიდიულ საკითხთა და ადამიანური რესურსების მართვის სამსახურის უფროსი - კომისიის წევრი;

4. **ირაკლი გელენავა** - კულტურულ ფასეულობათა დაცვის სამსახურის უფროსი, ისტორიის მეცნიერებათა დოქტორი - კომისიის წევრი;

5. ხათუნა შონია - სამინისტროს განათლების და საგანმანათლებლო სამსახურის უფროსის მოადგილე, ჰუმანიტარულ მეცნიერებათა მაგისტრი ფილოლოგიის სპეციალობით - კომისიის წევრი/მდივანი.

ა) კომისია გადაწყვეტილება უნარიანია, თუ მას ესწრება წევრთა უბრალო უმრავლესობა;
ბ) კომისიის წევრების მიერ განხორციელდება პროექტის ქულებით შეფასება (1-დან 10-მდე);

გ) პროექტები დაფინანსდება ჯამური ქულების რანჟირების მიხედვით შესაბამისი კვარტალური ფინანსური რესურსების ფარგლებში. ავტორებმა უნდა წარმოადგინონ წინასწარი გაანგარიშებები დასაფინანსებელ თანხებზე (ინვოისი/ხარჯთაღრიცხვა); პროექტის შეფასება მოხდება გრადაციების: მაღალი 8-10 ქულა, საშუალო 5-7 ქულა, დაბალი 1-4 ქულის მიხედვით შემდეგი კრიტერიუმების გათვალისწინებით:

გ.ა) პრობლემების ატქუალურობა და კვლევის სიახლე;

გ.ბ) აღწერილი პროექტის მიზნების, განსახორციელებელი ამოცანებისა და მოსალოდნელი შედეგების ტრანსპარანტულობა;

გ.გ) პროექტის განხორციელებით კონკრეტული მეცნიერის პროფესიული წინსვლისათვის ხელშეწყობა;

გ.დ) სამეცნიერო კონფერენციებზე თანამედროვე აფხაზეთის აქტუალური პრობლემების სათანადო წარმოჩენა;

გ.ე) კვლევის შედეგებით უცხოეთის სათანადო სამეცნიერო წრეების დაინტერესების შესაძლებლობა;

გ.ვ) კონკრეტული მოკლევადიანი სამეცნიერო სამოგზაურო პროექტებით ინფორმაციის გაცვლის და გამოცდილების გაზიარების, ქართული მეცნიერების საერთაშორისო სამეცნიერო სისტემაში ინტეგრირებისა და უცხოეთში სტუდენტებისთვის განათლების მიღებაში ხელშეწყობის ხარისხი.

დ) იმ შემთხვევაში, თუ წარმოდგენილ პროექტზე გადაწყვეტილების მიღება სცილდება სამინისტროს კომპეტენციის ფარგლებს, პროგრამის კოორდინატორი უზრუნველყოფს პროექტის შესაფასებლად კომპეტენტური და დამოუკიდებელი ექსპერტების შერჩევას. ექსპერტთა დადებითი დასკვნის შემთხვევაში, კომისიის გადაწყვეტილებით, პროექტის წარმომდგენ პირთა (ან პირებთან) იდება ხელშეკრულება. დაფინანსდება პროექტის ბიუჯეტის მხოლოდ ის მუხლები, რომლებიც უზრუნველყოფილი იქნება შესაბამისი საფინანსო-საბუღალტრო დოკუმენტაციით.

ე) პროექტის დაფინანსების ოდენობა განისაზღვრება ინდივიდუალურად და დამოკიდებულია პრობლემის ატქუალურობაზე და თანადაფინანსების ოდენობაზე.

4. მოსალოდნელი რისკები:

პროგრამის განხორციელებას შესაძლებელია თან ახლდეს შემდეგი სახის რისკები:

ა) დაფინანსებული პროექტით გათვალისწინებული ამოცანების შეუსრულებლობა;

ბ) პროექტის შესასრულებლად ხელშეკრულებით განსაზღვრული ვადების დარღვევა;

გ) შესაბამისი საფინანსო-საბუღალტრო დოკუმენტაციის არასრულყოფილად წარმოდგენა;

დ) დაინტერესებულ პირთათვის პროგრამის შესახებ ინფორმაციის ხელმისაწვდომობის შეზღუდვა;

ე) საზოგადოების ნეგატიური რეაქცია დაფინანსებული პროექტის შედეგებზე.

5. პროგრამის სიცოცხლისუნარიანობა:

პროგრამა წინამდებარე სახით სამინისტროს მიერ ხორციელდება 2010 წლიდან. მისი შედეგებიდან და სამეცნიერო საზოგადოების გამოხმაურებიდან გამომდინარე მიზანშეწონილია მისი გაგრძელება.

პროგრამის კოორდინატორი - ბესიკ ოდიშარია - მინისტრის მოადგილე, რომელიც პასუხისმგებელია აღნიშნული პროგრამით გათვალისწინებული ვალდებულებების სრულყოფილად შესრულებაზე.

პროგრამა წინამდებარე სახით მოქმედებს 2019 წლის 31 დეკემბრამდე.

6. პროგრამის ბიუჯეტი:

პროგრამული კოდი	დასახელება	2019 წელი	I კვარტალი	II კვარტალი	III კვარტალი	IV კვარტალი
06 05	აფხაზეთის მეცნიერთა მხარდაჭერის პროგრამა	25000	2000	3 000	5 000	15 000